

Dyskans peswardhek ha tri ugens (74)

An peswardhegves dyskans ha tri ugens

Oberen 1 Exercise 1

Treyll an lavarow Sowsnek a-woles dhe Gernewek. *Translate the English expressions below into Cornish*

She had bought rannji nowydh **on the second floor** hag alena yth esa gwel splann a'n porth. Pub myttin hi a bareusi hansel skav gans hanafas a goffi **and she would sit** orth an voos ryb an fenester.

Da o gensi mires orth an dus ow tremena, tus an dre ow fyski **at their business** ha tornysi ow sygera **apparently** heb godhvos an pyth dhe wul po py le dhe dreylya.

Drefen hy bos y'n eur ma omdennys a'y soodh, yth esa dhe Susan termyn dhe dybi hag ouryow dh'aga lenwel. Mall o gensi dalleth skrifa – hy thowl o derivas yn-kever **the days of her youth** y'n dre na. Lies hwedhel ha lies kov yth esa dhedhi **and she was sure** aga bos didheurek.

Oberen 2 Exercise 2

Skrif lavar dien, yn Kernewek, rag pub a sew. *Write a complete sentence, in Cornish, for each of the following:*

- | | | | | | |
|---|---------------|---|------------|---|---------|
| a | gwell o gensi | b | mar skwith | c | kettel |
| d | le may | e | avelov | f | keffrys |

Oberen 3 Exercise 3

Red an skrif. Na wra y dreylya mes res yw dhis treylya an govynnnow a sew dhe Gernewek ha'ga gorthebi, yn Kernewek, yn lavarow dien. *Read the passage. Do not translate it but translate the questions which follow into Cornish and answer them, in Cornish, in complete sentences.*

'Kernewek – yeth sodhogel!' Homm o an bennlinen y'n paper nowodhow nans o bledhen. Wosa strif hir, an governans yn Loundres re evirsa sina an Chartour Europek ow leverel bos Kernewek yeth dhe vos aswonys ganso.

Omma yn Kernow, wosa oberi bledhynnyow owth avonsya savla an yeth yn bewnans pub dydh, ni a omglew lowen mes heb godhvos poran pyth yw styr an ervirans. A wren ni gweles Kernewek skrifys oll a-dro an pow? A vydh Kernewek dyskys yn skolyow? Hwath ny wodhon poran.

Kessedhek re beu dallethys rag keskussulya yntra kanasow an yeth, sodhogyon an governans ha konseloryon gernewek. Aga dever a vydh dadhla an kas ha'n vledhen ma, mis Hwevrer, bagas a gannasow eth dhe Vanow – Enys vyghan, mes ensampel a dyller may ma dasserghyans a yeth keltek ow seweni yn degbledhynnyow a-gynsow.
(skrifys veu 2004)

- a) *When did the headline appear?*
- b) *What did the London government sign?*
- c) *Do we know the significance of the decision?*
- d) *Who are the members of the committee?*
- e) *Where did the representatives go in February?*

Oberen 4 Exercise 4

Skrif, yn Kernewek, 200 – 250 ger. *Write, in Cornish 200 – 250 words.*

Tyller a vri. *A famous place.*

